

限危機較之鑿冰取火緣木求魚者更相去遠矣學者存得
機忘機之念實取不取之心毋使氣化神化兢兢業業不失
其機則刑能變德黃芽白雪于此可成不可以悟薺麥之喻
邪

三元

迷途容易說三元天地無人室不堅漏質陰陽皆浪遇凡軀水
火總非緣向雖露坐三千日豈保常燒十二年好向人元立根
蒂翻身尋地再尋天

長春子曰人生學道無成大抵皆錯講三元耳道合三才缺
一不可若徒言天地之運行而不以人合天將法天之謂何

道藏輯要

三寶心鏡

天

壁集四
川上

人固不可離道道亦不可離人而人又不可以吾身爲人蓋
道必擇人而授擇人而成也彼不識陰陽不辨水火枯坐深
山者蓋以天地吾身爲道而失求夫人之根蒂爲道也然則
求道者曷不向人元中翻身走出而後尋天尋地三元合而
室自堅邪

性命

命到終時刻不延性何能接得飛仙陰陽必使三家合溫養終
求十月全莫訝小妻諧曼倩須知大藥覓彭錢萬流合處成江
海便產蛟龍駕上天

靈陽子曰此章總結上文人元不可不得也人元一得不特